



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

XV. De eo quod scriptum est, Beatus homo qui invenit sapienta[m] &c.

**urn:nbn:de:hbz:466:1-39254**

*capitentia* prævalet fortitudo, & consilium *consuetudinem* amputat, & intellectus vigens *contemptum* amovet, & disparate omnino *malitia*, sapientia regnat. Qua quidem triumphante de cætero miseram illam animam quam perniciōse negligentia soporaverat, peius excitaverat curiositas, attraxerat experientia, tenuerat concupiscentia, ligaverat consuetudo, contemptus in carcerem truserat, malitia jugulaverat: timor fuscitat; pietas blandè demulcit; scientia quid actum sit indicans, dolorem apponit; quod suum est, fortitudo erigit, consilium solvit, intellectus educit de carcere, sapientia mensam ponit, refocillat esurientem, & salutaribus repat alimentis.

## S E R M O X V.

De eo quod scriptum est: *Beatus homo qui invenit sapientiam, & qui affluit prudentia.* Prov. 3. b.

**Q**uid in hoc mundo agimus, Fratres, aut quid facimus de hoc mundo? Si salvari contendimus à præsenti sæculo nequam, quid adhuc de hoc mundo decernimus? Si exire volumus, quid compedes nostros nobiscum trahere laboramus? Ponamus aureos esse, sed multò melius est sine his liberari, quam eorum occasione teneri. Non æstimemus precium, sed impedimentum consideremus, ne præter ipsam, quæ dura satis reputanda est, conditionis necessitatem, etiam cupiditatis visco inhærente hic incipiamus, & inanis sollicitudinis nexibus irretiri. Quid enim in compedibus faciat quis, percunctari fortè minus congruum judicetur, quod videlicet ad patiendum magis, quam ad aliquid faciendum soleant homines compediari: & actionis impedimenta compedes sunt adminicula passionis. Agendum tamen nobis aliquid in hoc mundo, agenda utique pœnitentia, sed ad passionem hæc potius, quam ad actionem videbitur pertinere. Nihilominus tamen agendum hic nobis aliquid: non quidem de hoc mundo, sed in hoc mundo. Cum enim legatur <sup>a</sup> Adam in loco voluptatis ab initio positus, ut operaretur, quis sanum sapiens, filios ejus in loco afflictionis ad feriandum positos arbitretur? Operemur ergo, sed cibum qui non perit: operemur opus salutis nostræ. Operemur in vinea Domini ut denarium diurnum accipere mereamur. Operemur in sapientia quæ dicit <sup>b</sup>: *Qui operantur in me, non peccabunt.* Ager enim est mundus: ait Veritas <sup>c</sup>: *Fodiamus, in eo thesaurus absconditus latet;* effodiamus eum. Ipsa est enim sapientia quæ trahitur de occultis. Omnes eam quærimus: omnes concupiscimus eam.

Sed frustra quærit, qui in lectulo suo quærit: neq; enim in terra suaviter viventium invenitur. Lectulus est, & ibi gigantem quæris? Tuus est, & ibi speras invenire eum, qui diversoria semper ignorat? *Si queritis,* inquit <sup>d</sup>,

G g g 2

converti-

*Mundi compedes quantum aurei relinquends.*

<sup>a</sup> Gen. 2. c

<sup>b</sup> Eccli. 24. c.  
<sup>c</sup> Matt. 13. f

*Sapientia ubi invenienda.*  
<sup>d</sup> IIa. 21. c

*convertimini & venite. Quæris unde? A lectulo tuo. Quæris unde converta-*

*s? Ibid. 18.d. ris? A voluntatibus, inquit, tuis avertere. Et si in voluntatibus meis non in-*  
*venio: ubi, inquis, invenio sapientiam? Vehementer enim eam considerat*  
*anima mea: nec invenisse sufficiet si contigerit invenire: nisi mensuram bo-*  
*nam & confertam & coagitatam, & supereffluentem ponam in sinum meū.*  
*Merito quidem. Beatus enim homo qui invenit sapientiam: & qui affluit pru-*  
*dentia. Quære ergo dum inveniri potest: & dum prope est, invoca illam.*  

*f Deut. 30.e Vis audire, quam prope sit f? Prope est verbum in corde tuo & in ore tuo,*  
*& Rom. 10.b tantum illud recto si quæsieris corde. Erige cor, surge de lectulo tuo, ut non*  
*frustra audias admonentem sursum habere cor. Sic enim invenies corda*  
*sapientiam: ore afflues prudentia; sed affluere, non effluere vel evomere*  
*eura.*

*g Eccli. 24.c Satietas mel-*  
*lis, id est, sa-*  
*pientia ca-*  
*renda.*

*h Prov. 25.d Arcana Dei*  
*non curiosè*  
*scrutanda.*

*i Ioan. 18.g Veritas percontatus i.*

Nimirum mel invenisti si invenisti sapientiam, tantum ne multum comedas: ne satiatus evomas illud. Sic comedere ut semper esurias. Nam ipsa dicit & : *Qui me edunt, adhuc esurient; Noli multum reputare quod habes, noli satiari ne evomas: & hoc ipsum quod videris habere, auferatur à te: quippe qui ante tempus quærere destitisti. Neque enim dum potest inveniri, dum prope est: ab inquisitione vel invocatione cessandum est. Aliter quoq; sicut qui mel comedit multum (ut ait idem Salomon b) non est ei bonū: ita qui scrutator est maiestatis, opprimetur à gloria. Quid tu Pilate seorsum interrogas Dominum, ut tibi susurret in aure, quid sit Veritas? Multum est ad te: non dabitur sanctum cani: nec margarita porco. Quære potius fidei gustum; satietatem intelligentiae interim ne requiras. Merito, Fratres, reverberata acie protinus resilivit: & responsum non sustinens, egressus est ad Judæos, qui ambulare cœperat in magnis & mirabilibus super se, quid esset*

*k Ro. 12.a\**

*Sapientia so-*  
*bria conficit*  
*in paenitidine*  
*peccat. in con-*  
*temptu ter-*  
*ren, & in de-*  
*siderio futu-*  
*rum.*

Quocirca quæramus sapientiam in corde: & sapientiam quæ est ex fide: quemadmodum Apostolus ait <sup>k</sup>: *Non plus sapere quam oportet sapere: sed sapere ad sobrietatem. Sobria siquidem sapientia est in paenitidine peccatorum præteriorum: in contemptu præsentium commodorum: in desiderio futurorum præmiorū. Invenisti plane sapientiam, si prioris vita peccata defleas; si huius sæculi desiderabilia parvi pendas: si æternā beatitudinē toto desiderio concupiscas. Invenisti sapientiam, si tibi horum singula sapiunt prout sunt, ut hæc quidem amara & omnino fugienda, ista quoq; velut ca-duca & transitoria continenda; illa vero ut perfecta bona totis appetenda desideriis, intimo quodam animi sapore dijudices & discernas. Atq; hæc quidem sobria est sapientia, & vomitum nescit, ubi & timoris frigus ex recordatione peccatorum, & charitatis fervor ex appetitu divinarum promissionū, tepiditatē amoget earum quæ nunc sunt pessimarum occupationum: ut nec evomas sapientiam; nec evomaris ab ea. Sicut enim beatus homo qui*

*invenit*

invenit sapientiam; sic etiam *beatus vir*, vel *beator etiam*, qui morabitur in *sapientia*<sup>m</sup>: fortè enim hoc ad affluentiam spectat.

<sup>m</sup> Eccl. 14. c.  
*Sapientia in ore.*

Sane in his tribus ore affluit sapientia vel prudentia, si sit in ore, confessio propriæ iniquitatis: si gratiarum actio & vox laudis, si etiam sermo ædificationis. Nimirum *corde creditur ad iustitiam*: *ore autem confessio fit ad salutem*<sup>n</sup>: atq; in principio quidem sermonis justus accusator est sui<sup>o</sup>. Nam in medio magnificare Dominum: in tertio quoque (si eatenq; affluent sapientia) ædificare proximum debet. An verò & in opere affluentum est sapientia? Est maximè. Quaramus ergò & in opere triplicem affluentiam: nam & olim dictum est à sapiente quodam, quod sapientia tripliciter describeretur. Itaque si vos melius non habetis, puto ego, quod ad opus pertinet, copiosè satis affluere sapientia, quicunque inter vos continenter, patienter & obedienter conversatur, tantum ut fideliter *obedientia* propriam mortificet voluntatem, humilis *continentia* carnalem pariter & facularem amputet voluptatem, hilaris *patientia* utramque simul, & corporalem scilicet & mundialem viriliter sustineat adversitatem.

<sup>n</sup> Rom. 10. b  
*In corde.*  
<sup>o</sup> Prov. 18. c

## S E R M O XVI.

*De triplici genere bonorum, & vigilantia super cogitationibus.*

**E**T propensius studium, & cura vigilantior nostris esset cogitationibus adhibenda. Fratres mei, nostris inquam, quibus tam sanctorum meditationum assidue materia ministratur: nocte enim & nobis propheticæ & evangelicæ, sed & apostolicæ voces canuntur & leguntur, quæ & poenam minantur inferni, & gloriam regni pollicentur. Unde ergò nobis tam vanæ, tam noxiæ, tam obscenæ cogitationes, quæ nunc immunditia & elevatione, nunc superbia & ambitione, cæterisque passionibus extorquent nos, ut vix aliquando in serenitatem sanctorum cogitationum respiremus? Væ nobis à torpore & tepore cordis nostri, qui permittimus nos his vanitatibus occupari, & non magis ex instanti transfilimus in bona Domini, sive in natura, sive in spiritualia, seu etiam in æterna. Et quidem naturalia bona magna, spiritualia maiora, sed maxima sunt æterna. In primis reparamur, in secundis exercitamur, extendimur & beatificamur in tertiiis. Si non potes oculum meditationis in illam sublimitatem æternalium bonorum infigere, quia distantia sunt, & omnem sensum exuperant: in bonis gratiæ, quæ sunt in exercitio virtutum, visum refleste, ut videoas quam puræ conscientiæ, quam liberæ frontis sit versari & conversari in castitate & charitate, in patientia & humilitate cæterisque virtutibus, quæ amabilem Deo, placabilem & imitabilem hominibus reddunt. Quòd si & hæc nimis sublimia sunt, & transgradientia infirmitatem tuam, demitte oculos tuos in bona naturæ, quæ tibi tam familiaria esse debent, quantum tu familiaris es tibi. Nec sic

<sup>I.</sup>  
*Religiosos à malis cogitationibus quam alienos esse oporteat.*

*Triplicia bona Naturalia, Spiritualia, & Æterna.*

*In his meditationis mens occipanda.*

Gggg 3

dicimus